

судиа, испытая сердца и ютробы, и приводит многими путми ко очищению, яко да праведне уже очистившемуся от греха милость сотворит. Посылает  
 л. 275 убо бог скорбь не во вражду, но при||водя ко очищению. Егда же видит к нему обратившися, может и улишенное пополнити и разтленная укрепити и милость усугубити, ничтоже бо тако любит, якоже еже всем сердцем обращатися к нему. Сего ради, государи, к повинным тебе милость сотвори, преврати гнев на милость и узриши бога, праведный свой гнев превративша к тебе на милость и воздавша тебе вся хотения сердца твоего.

Бог же мира да буди с тобою, государем, векеи.

Архиепископом и епископом поставленных в чин.

### Глава 7

Бог пресвятый дух, маанием помазавый пророки и избрание христово апостолы, той весть человеческая сердца и разделяет дары праведне противу делом, той тебе избрал есть пасти церковь свою, юже Христос бог очистив своею кровию. Древле бо, господини, всесожжения телча попел с кровию телчею смешен, иссоп нарицаем, и сим кроплением стены церкви освящаху, ныне же христовых ребр пронзением окропися и не стены бо глаголю, но ||  
 л. 275 об. управления церковь, сия бо есть ограда словесныя ти паствы. Сего ради, господини, со множеством радения прицепися сей велицей пастве и безо ослабу о сей потружение имей, яко пастырь добрый. Аще видиши близ ти волка, не оставляй овца, но и душу, свою за ня положи, якоже Христос и рекий и положивый, иже и воздаст ти противу труду твоему некончяемая благая.

Бог же мира да буди с тобою, господини мой, векеи.

В радости боляром и всем вельможам в чин пришедшим.

### Глава 8

Угожениа ради царя небеснаго от земнаго царя приемый почесть сего ради достоин на сугубыя добродетели вооружатися и яко небопарнаго орла летанием или дивияго лва скочением скоро мыселми к правде варити,<sup>к</sup> к неправде же смышлению ленивейши тельца обретатися. Бог же видев иже ти первый сий сан воздавый, может и вторым некончяемым по-  
 л. 276 чествовати || «иже око не виде и ухо не слыша и на сердце не възыде, яже уготова бог любящим его».<sup>к</sup>

Бог же мира да буди с тобою векеи.

В скорбех боляром и всем вельможам от сану избывшим.

### Глава 9

Бог, сотворивый мир и вся, яже в нем, не токможе еже приводя ко обращению на грешныя посылает скорбь, но и на праведныя, да сими больми очищешися, перед ним светли явятся. Зри убо в мире сем: мнози царие улишени царства, и мнози святителне улишени паствы, помянем же убо блаженнаго Йева, каков бе, еже сам бог рече о нем: праведен, непорочен и истинен. Праведен убо еже неправеднаго не причащаяся, непорочен же яко и преже того от рожениа си к неправде не причащився, истинен же еже и мысль свою от того соблюди. Бог же хотя воздати ему благая в некончяемом царствии, каково наказание нань пусти: улишение чяд и имениа и самая плоти согнитие и преже убо царь бе от человек честим, пред бо-

<sup>к</sup> Т. е. предварять правду.    <sup>к</sup> Кор., II, 9